

1. Sarajevska regionalna razvojna agencija SERDA d.o.o. Sarajevo, Kolodvorska 6, koju zastupa direktor, dr. Ševkija Okerić (u daljem tekstu: Društvo)

i

2. Društvo za reviziju i savjetovanje „REVKER“ d.o.o. Sarajevo, ul. Azize Šaćirbegović bb., Sarajevo, kojeg zastupa direktor Suad Prašljivić (u daljem tekstu: Pružalac usluga), zaključili su

UGOVOR

o pružanju usluga eksterne revizije finansijskih izvještaja SERDA d.o.o. Sarajevo za 2017. godinu

Član 1.

Predmet ovog Ugovora je revizija finansijskih izvještaja SERDA d.o.o. Sarajevo, za period 01.01.2017. do 31.12.2017. godine, u skladu sa Međunarodnim standardima finansijskog izvještavanja (MSFI/MRS).

Obim i način revizije obavezno uključuje:

- pregled sveobuhvatnosti knjiženja poslovnih događaja, imovine i obaveza, kao i potpunosti finansijskih izvještaja u skladu sa (MSFI/MRS);
- pregled pripreme i prezentiranje finansijskih izvještaja u pogledu zakona i standarda izvještavanja;
- dokumentirano ispitivanje metodom uzorka odabranih knjiženja poslovnih događaja i usklađenosti istih sa zakonom;
- provjera postojanja vlasništva i knjigovodstvene vrijednosti imovine;
- direktno potvrđivanje stanja potraživanja, obaveza i drugih informacija sa odabranim dužnicima i povjeriocima;
- korištenje (po potrebi) usluga ostalih stručnjaka i dr.

Pružalac usluga će utvrditi obim i vrstu testiranja zavisno od procjene pouzdanosti internih kontrola, materijalnosti i obima rizika iz izvještaja Društva.

Član 2.

Poslovi iz člana 1. ovog Ugovora obaviti će se stručno i kvalitetno na čemu će biti angažovan dovoljan broj stručnjaka iz oblasti računovodstva i revizije specijalizovanih za te poslove.

Član 3.

Revizija će biti obavljena tako da se dobije čvrsto uvjerenje o računovodstvenim iskazima. Revizija obuhvaća pregled poslovnih knjiga i dokaza o iznosima iskazanim u računovodstvenim iskazima. Revizija takođe obuhvaća ocjenu računovodstvenih politika, te ocjenu značajnih promjena koje radi Pružalac usluga, kao i ocjenu sveukupne prezentacije računovodstvenih iskaza.

Član 4.

Revizija će uključiti i pregled:

- Računovodstvenih politika;

- Pregled izvještaja u skladu sa zakonom;
- Izvještaj o reviziji sa revizorskim mišljenjem i
- Savjeti i smjernice o budućem finansijskom poslovanju.

Pružalac usluga će vrednovati i izvjestiti Društvo o utvrđenom stanju koje se odnosi na značajna odstupanja od prihvaćenih politika i procedura, te dati preporuke u otklanjanju istih.

Član 5.

Revizijom će biti utvrđena razumna sigurnost da računovodstveni iskazi ne sadrže značajne materijalne pogreške, koje su izazvane greškom ili prevarom. Revizija provedena u skladu sa Međunarodnim standardima finansijskog izvještavanja, osigurava da se postigne razumna, a ne apsolutna sigurnost da u računovodstvenim iskazima nema značajnih materijalnih grešaka.

Član 6.

Cilj revizije je izražavanje mišljenja o računovodstvenim iskazima Društva. Izražavanje mišljenja i njegova formulacija ovisit će o činjenicama koje su za Društvo važile na dan njegova izdavanja.

Član 7.

Računovodstveni iskazi Društva spadaju u djelokrug odgovornosti Uprave Društva. U tom smislu Uprava Društva je bila obavezna osigurati poslovanje Društva u skladu sa zakonima Federacije Bosne i Hercegovine, ispravno evidentiranje transakcija u računovodstvenim zapisima, pravilne računovodstvene procjene te sigurnost sredstava.

Uprava Društva ima odgovornost za izradu pravovremenih prezentacija i dostavu svih dodatnih računovodstvenih i drugih informacija značajnih za reviziju.

Član 8.

Ukoliko Društvo namjerava publikovati ili na drugi način reprodikovati u obliku dokumenta Izvještaj revizora o računovodstvenim iskazima Društva, na bilo koji drugi način izdati dokument u kome su sadržane i neke druge informacije osim revizijskih računovodstvenih iskaza, Društvo će u tom slučaju dostaviti nacrt takvog dokumenta Pružaocu usluga na čitanje i odobrenje za takvo korištenje izvještaja, prije nego se takav dokument štampa ili distribuira.

Član 9.

Revizija će započeti odmah nakon zaključivanja ovog Ugovora, te će se Nacrt izvještaja izdati do 22.02.2018. godine.

Nakon prihvatanja Nacrta Izvještaja od strane Društva, Izvještaj će se izdati u roku od dva dana.

Ako nastupe okolnosti zbog kojih može doći do odgode izdavanja Izvještaja, Pružalac usluga će o tome odmah izvjestiti Upravu Društva.

Član 10.

Naknada za reviziju utvrđena je na vremenu provedenom za različite nivoe odgovornosti. U skladu s tim naknada iznosi 4.500,00 KM (slovima: četirihiljadepetstotina KM) bez PDV-a i popusta. U cijenu je uračunat popust u iznosu od 500,00 KM. **Ukupna cijena sa popustom bez PDV-a iznosi 4.000,00 KM (slovima: četirihiljade KM).**

Cijena bez popusta sa PDV-om iznosi 5.265,00 KM (slovima: pet hiljad i dvjestotine šesdeset pet KM). U cijenu je uračunat popust u iznosu od 500,00 KM. **Ukupna cijena sa popustom i sa PDV-om iznosi 4.680,00 KM (slovima: četiri hiljade šestotina osamdeset KM).**

Plaćanje naknade iz stava 1. ovog člana izvršit će se nakon obavljenog posla, prihvatanja izvještaja i dostavljene fakture, na račun broj: 1941012749100182 kod ProCredit Bank Sarajevo.

Član 11.

Naknada iz prethodnog člana ne uključuje bilo kakve dodatne usluge koje bi trebalo obaviti u vezi sa bilo kakvim zahtjevom za upotrebu izvršenja Pružaoca usluga.

Društvo nema pravo umanjiti naknadu iz prethodnog člana ukoliko do kašnjenja rezultata revizije dođe zbog nepravovremene, nepotpune ili netačne prezentacije od strane Društva dodatnih finansijskih i drugih informacija značajnih za reviziju.

Član 12.

Ovaj Ugovor je sačinjen u 4 (četiri) primjerka od kojih svaka stranka potpisnica dobiva po 2 (dva) primjerka.

U znak prihvatanja obaveza iz ovog Ugovora, ugovorne stranke ga, putem ovlaštenih predstavnika potpisuju.

Član 13.


U slučaju spora iz odredbi ovog Ugovora, a da ga ugovorne stranke prethodno nisu mogle sporazumno riješiti, nadležan je sud stvarne nadležnosti u Sarajevu.

Sastavni dio ovog Ugovora je Ponuda Pružaoca usluga broj: 29/1/18- PS.

REVKER d.o.o. Sarajevo

Direktor

Suad Prašljivić



Sarajevo, 2018.g.

Broj:



SERDA d.o.o. Sarajevo

Direktor

dr. Sevkija Okerić



Sarajevo, 2018. g.

Broj: 05.22. / 06-13/18